



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XVII.

urn:nbn:de:hbz:466:1-11453

grâsse in antiquas sedes. Sed capto rege & Constanti-
nopolim misso, et ipsa nobilitate in acie consumpta, vul-
gus sub Imperatoris praesidibus permansit in regione,
quam solam habuit nativam: omnes enim qui tum vi-
xere, ibi nati sunt: nam Imperatore teste, centum quin-
que annis ðvandali Aphricam tenuerunt. Hammaburgi
autem vocabulum non ab idolo, sed à pugile ibi victo,
dictum esse conijcimus quodam supra loco, & in Da-
nia nostra, quod simili tum causa locis nomina sunt at-
tributa. Certum est tamen ex nostris annalibus, Karo-
lum habuisse singularem respectum in locum Hamma-
burgum: quem destinavit facere caput omnium regio-
num aquilonarium: quod infra memorabimus.

CAPVT XVII.

Nonagesimus erat secundus post septingentos,
cùm detegeretur conspiratio Pipini filij in pa-
trem, per occasionem Fastradae reginae exorta. Sed Pi-
pinus in monasterium detruditur: consciji partim gla-
dio, partim proscriptione damnantur. Persuasum erat
tum Karolo, posse perfacile ex Danubio in Altimoniam,
& inde in alterum vicinum, fluuios praecipuos coniun-
gi, si fossa duceretur nauium capax: quia horum alter
Rhenus, alter Danubio miscetur. In hoc opere labora-
tum est duum millium passuum longitudine, & ducento-
rum pedum in latitudine, sed frustra: quia palustri-
bus locis propter iuges pluuias, opus non poterat con-
summari. Interim nunciatur Karolo Saxonum iterata
defectio, quae inuito tum fieret ðwedekindo: & Fran-
corum ab altera parte à Saracenis plurima caedes: Tum
verò duobus interpositis annis rem distulit: nec magni-
pendit in Saxonibus, quando ðweldekindi integram fi-
dem intellexit. Interea Saracenis opponitur: quibus

ad quietem reductis, cum filio Karolo partitis agminibus, Saxoniam iterum inuadit: sed nemo se obuiam tulit: qui autem antè se commouerant, reddita ratione motuum suorum, etiam obsides dederant, se in fide regis & Christi permansuros. Sed & proximo anno cum noui motus ex eadem prouincia nunciarentur, immisit illis rex duces suos: & facile persecerunt ut conquiescerent: datis etiam tunc obsidibus. Tantæ molis erat, hanc Christo condere gentem: Lata prouincia, & multiplex in ea populus, concituit varios motus sine principe. Haderi extremi Germanorum ad littus Albiæ extremum siti, quod fiderent inuijs paludibus, detrectauere iugum. Sed rex nullo labore, nullo negotio potuit auocari, quo minùs in eos duceret. Karlsand hodiè vocant locum ad mare, in quo rex castra fixit, gentemq; perdomuit. Ex die autem decedentis Willehadi, vnus ex discipulis eius Willelicus per annos L. administravit episcopatum: per omne reliquum Karoli & filij eius Pij Ludouici tempus.

CAPVT XVIII.

Octauus erat post nonaginta septingentos annus, cum Transalbiani Saxones, quos nunc Holsatos, alij Nordalbingos vocant, versi in sensum malignum, Karoli prefectos obtruncant. Rex in eos mouens, omnem intra Albim & Weseram fluuios prouinciam terruit: Antè tamen, quam ille veniret, ijdem Transalbiani Obotritis & vandalis regi fœderatis, arma inferunt. Sed dux gentis Trasico illis aciem obiecit: collataq; manu, quatuor ex his millia cecidit. Interim Romani in ipsa vrbe tumultuantur: quæ res iterum regem euocauit. Cum igitur nonagesimus nonus ageretur, Leo papa grandi ab Romanis afficitur iniuria. Nam cum maiori litania pro-

cede-